

ETENGENEKO LYONAKUYIWA ONDHIGU

Owa ndhindhilike kutya otaku ka kala iikukuta oyindji mbala. Monakuyiwa, iikukuta mbika otayi ka ninga oyindji noonkondo. Shika osha hala okutya aanafalama oya pumbwa okuninga ethaneko lyonakuyiwa ndjika mokulundulula nkene taa munu nomokukonga oonzo dhilwe dhiiyemo.

OMAHOKOLOLO TAGA LANDULA OTAGA ULIKE OMAYAMUKULO GA YOOLOKA NKENE OMALUNDULUKO GONKALO YOMBEPO GA GUMA UNENE AANTU YAMWE SHI VULITHE YALWE.




Photo: Dian Spear

01 ELANDITHO LYOONGOMBE

PETRUS Petrus oku uvu moradio kutya oku na oshikukuta tashi ya, naanafaalama mboka otaa pewa omayele opo ya shunithe pevi omiyalu dhiimuna yawo. Okwa kundathana nofamili ye kombinga yaashika nokwiilongo kutya oofamili dhimwe inadhi hala okulanditha po iimuna yadho. Ashike okwa tokola kutya ye oku na okulanditha po dhimwe nokusinda omashongo galwe mokulanditha po iimuna ye oyindji. Ondando yiimuna oya kuluka noonkondo shi vulithe ngaashi a li a hala, ashike iimaliwa mbyoka a mono mo oye mu pitike a dhiladhile kombinga yokutameka ongeshefa onshona. Okwa tameke ishewe okudhiladhila kombinga yankene ta vulu okuteya nokupungula omeya uuna ku na omvula.

JOHANNES Johannes oku uvu kukuume ke kutya oshikukuta oshe ya, ashike ye ina hala okulanditha po iimuna ye. Okwa ti kutya ye uuna kee na iimuna ye, oye omuntu gwanathangwa, na okwe yi pumbwa uuna pu na nando efumviko nenge ompumbwe yasha. Sho iiwike tayi yi, ombepo oya tameke okupupala noyakukuta. Okwa li omwiidhi gwiimuna omushona noonkondo nomeya oga pumbu noonkondo, niinamwenyo oyindji oya tameke okusa. Eteyo nalyo wo olya nkundipala, nolya thigi ofamili yaJohannes yaa na eteyo osho wo uumaliwa uushona wiikulya.



UUNAFALAMA WOMONAKUYIWA

02

LOIDE Loide oku uvu omathimbomumvo metengeneke lyonkalo yombepo moradio. Etengeneke lyonkalo yombepo olya hunganeke kutya ethimbo ndika otaku kala kwa kukuta shi vule shito. Oku uvu wo kutya, monakuyiwa otaku ka kala ku na iikukuta oyindji shi vulithe shito. Opo e shi tompole, okwa kunu iimeno mbyo hayi vulu okukondjitha nokuteya pethimbo ku na oshikukuta, ngaashi Okashana niimeno mbyoka hayi teywa pomathimbo ga yooloka momathimbomumvo shaashi ke shi kutya uunake omvula tayi ya okuloka. Okwa tameke wo nomaidheulo gamwe omape opo a kwathele evi li kale epu noli vule okumeneka. Loide ishewe okwa nenepeke oshikunino she shopegumbo nokwa tameke ongeshefa ye onshona yokulanditha oontungwa. Nonando onkalo yombepo ndjoka yopomathimbomumvo oya li ombwiinayi, okwa vulu okweeta po eteyo eshona nokwa mono wo iikwamboga yimwe moshikunino she shopegumbo. Okwi iikolele wo iiyemo yimwe ya gwedhwa po mokulanditha oontungwa ndhoka a tungu.

SELMA Selma ina dhiladhila kutya aantu otaa vulu okukelela shoka tashi ka holoka po molwa elunduluko lyonkalo yombepo. Onkene, okwa tokola kutya ye ota kunu ngaashi ha ningi shito na okwiinekela kutya kehe shimwe otashi ka kala shi li nawa. Sho ethimbomumvo lya kukuta shi vulithe shito, Selma okwa li e na eteyo lyomahangu lya nkundipala noonkondo nokwa nana nondatu opo a hupithe aanegumbo lye. Okwa pula aashiinda ye iikulya ashike nayo oya li owala ye na iikulya iishona ye ya gwanena yo yene. Konima sho a landitha po iinima ye yimwe okwa tegelele iikulya yoshikukuta mbyoka hayi gandjwa kepangelo.



03 OKULONGELA KUMWE

Manga Loide naSelma taa kondjo nomaupyakadhi gawa kuyo yene, Helmi okwa tokola kutya epangelo itali kwatha sha gwana nuupyakadhi mboka uunene noonkondo oku wu kondjitha oye awike. Okwe eta po omadhiladhilo kookuume ke ayehe kutya naa tote po ongundu yokukwathela. Ookuume yamwe oya zimine oku mu waimina, ngaashi aashiinda yawo yamwe ya ningi. lilyo yondungu yokukwathela oya tokola kutya itaa vulu okuhupa ashike meteyo nomiimaliwa yopenzela. Osho wo aanegumbo yawo nuunona ihaa tumu iimaliwa ya gwana komagumbo okuza kOvenduka, kOmbaye nokOshakati. Onga ongundu, oya tokola kutya oya pumbwa okumona shoka ye na okuninga opo ya vule okwiikwathela yo yene, na oya topelelathana omayele noombuto. Oya indile wo aaleli yopamuthigululwakalo naanambeleva yehumithokomeho lyopashitopolwa uyelele kombinga yomikalo dhokutonatela evi nomeya nomikalo omiwanawa tadhi opalele aanamagumbo. Oya tokola opo kehe gumwe a tule po iimaliwa opo ya vule okutameka ongeshefa pamwe. Ngiika otaa ka muna oondjuhwa.



OMAPOILO

Uyelele wethimbomumvo lyehunganeke lyelunduluko lyonkalo yombepo otali vulu okulongithwa.

Uuna oshikukuta she ya, oshiwanaawa okukala wa longekidha iikulya yimwe ya gwedhwa po nomeya giinamwenyo nenge wu shonopeke omwaalu gwiimuna noku yi landitha po.

Ino kala ashike wi ikwatelelela keteyo. Oshihwepo wu lundulule omateyo, naampoka tashi vulika, kuna iimeno mbyoka ihaayi tila oshikukuta.

Tsikila nokukondjitha oshikukuta shiimuna. Uuna wa landa oongombe oompe, oshi li nawa opo wu lande oongombe dhokumuna ndho dha kola ngaashi Nguni.

Ninga omalolelo getonatelo lyevi nomeya opo wu kaleke evi li na ongushu ya gwana nowu kale nesiloshimpwiyu lyevi lya ngambekwa lyokugandja omeya.

Okulongela kumwe otaku vulu okukala okuhwepo kukehe gumwe.

Tangi kwaayehe mboka ya longitha ethimbo opo ya kuthe ombinga momapekapeko ngoka ga ningwa ko-ASSAR.

Ngele owa hala okumona uyelele owindji opo wu kwathele etokolo lyoye ndyoka wa ningi, alikana puleni ooyene yomikunda dheni, aaleli yopamuthigululwakalo, aanambeleva yopashitopolwa, aagandji yomakwathelo, Regional Disaster Risk Management Unit kohi yElelo lyopashitopolwa lyaMusati nomeleva yEhangano lyOmushigakano Omutiligane.



This work was carried out under the Collaborative Adaptation Research Initiative in Africa and Asia (CARIAS), with financial support from the UK Government's Department for International Development (DfID) and the International Development Research Centre (IDRC), Canada. The views expressed in this work are those of the creators and do not necessarily represent those of DfID and IDRC or its Board of Governors.



<http://www.assar.uct.ac.za/>

